

FOLASAGA

O LE VASEGA PEPE

Faamoemoega O le faamoemoega o le vasega pepe ina ia fesoasoani i tamaiti e iloa le talalelei toefuataiina a Iesu Keriso ma ola ai. E tatau ona fesoasoani le vasega pepe i tamaiti e faateleina lo latou malamalama ma le alofa mo le Tama Faalelagi ma Iesu Keriso, ia maua ni aafiaga lelei i se nofoaga o le Ekalesia, ma ola ma ni lagona o le taua o le tagata lava ia.

Tusi i Matua I nai vaiaso a o le i amata ona auai le tamaitiiti i le vasega pepe, e tatau i se sui o le au peresitene o le Peraimeri ona tuuina atu i matua o le tamaitiiti se kopi o le tusi o loo i le itulau 7.

Taitai o le Vasega Pepe Ia le itiiti ifo i le toalua tagata (o se taitai o le vasega pepe ma se taitai fesoasoani) e tatau ona valaauina mo vasega pepe taitasi. Afai o taitai o vasega pepe e le o se ulugalii, e tatau ona tutusa le itupa. E tatau ona galulue faatasi taitai o vasega pepe i le taimi atoa o le vasega ina ia mautinoa ai le saogalemu ma le tulaga manuia o tamaiti.

Siosiomaga Faaletino E tatau i le vasega pepe ona maua ai se aafiaga faaleaoaoga alofa, saogalemu, ma faatulagaina lelei mo tamaiti. E tatau ona mamā, fiafia, ma lelei le potu ma latalata i se falelēta'ua pe a mafai. E tatau foi ona mama, saogalemu ma lelei mea taalo. E le tatau ona faaaogaina ni mea taalo e feaei ai.

Taimi Atofaina E masani lava ona faia le vasega pepe mo le taimi atoa ua atofaina mo le Peraimeri. O lenei taimi e tatau ona vaevaeina i ni nai vaega pupuu, e pei o le taimi o le lesona, taimi o meaai mama, taimi o musika, ma le taimi taalo.

O manaoga o tamaiti o le a fesoasoani ia te oe i le fuafuaina o le faasologa o vaega ma le umi o vaega taitasi. E fiafia lagona o tamaiti i faiga masani, o le mea lea ia mulimuli ai i le faasologa lava e tasi i vaiaso taitasi.

- **Lesona:** Amata ma faaii le lesona i se tatalo, ma e tatau lava ona faia e se tasi o tamaitiiti (faatasi ma le fesoasoani mai se taitai o le vasega pepe pe a manaomia). I le taimi o le lesona, ia tuuina atu soo se gaoioiga po o gaoioiga uma foi mai se lesona o lenei tusi lesona. E mafai ona e faia ma saga fai pea nei gaoioiga i le taimi atoa o le vasega pepe. O isi punaoa ua saunia e le Ekalesia, e pei o le *Tusi-pese a Tamaiti* ma mekasini a le Ekalesia, e ono aoga foi.
- **Taalo:** Faataga tamaiti e taaalo saoloto i mea taalo, paso, ma tusi. E aoao tamaiti e ala i le taalo. I le faaiuga o le taimi taalo, fesoasoani i tamaiti e teu mea taalo.



MOTUGAafa FAAFIAOga

Mo faamatalaga e faatatau i uiga o tamaiti o le vaihausaga vasega pepe, tagai i le *O Le Acao Atu, E Leai Se isi Valaauga e Sili Ai: O Se Risosi Taiala mo le Acaoina Atu o le Talalelei* (1999), 116–17.

Faatulagaga o Taimi: Pe a fuafuaina le faatulagaga o taimi mo lau vasega pepe, mafaufau i manaoga o tamaiti. O le a le umi e mafai ai ona latou nonofo ona mananao loa lea e minoi solo? O le a le taimi latou te fia aai ai ma manaomia ai sina meaai mama? Pe o le a fesoasoani ea ia i latou se gaoioiga filemu e saunia ai mo le lesona? Manatua o le tele lava o tamaiti laiti e laitiiti lava se taimi e filemu ma faalogo ai. Vaavaai mo uiga o le lelavava ma isi amioga e ta'u mai ai ia te oe ua manaomia e tamaiti se suiga.

Taalo: O le toatele o tamaiti o le vaihausaga vasega pepe e le i saunia faalelagona pe faalevafealoai e fetufaai mea taalo ma isi mea e taalo ai. Ava le faamalosia i latou e fetufaai pe afai latou te le mananao ai.

- *Meaai māmā*: Saunia se meaai māmā e maloloina ma e faigofie ona taulimaina. Fesili i matua pe i ai ni meaai latou te le mananao e faaaoaga e a latou fanau. Fesoasoani i tamaiti e fufulu o latou lima ma faamanuia meaai ae latou te lei aai. O tupe mo meaai mama e tatau ona maua mai i le paketi a le Peraimeri.
- *Musika*: Usu pese, tata ni mea fai musika faigofie, pe gaoioi pe savavali i musika (tagai “Musika i le Vasega Pepe,” i le itulau 4. O le vaega lenei o le vasega pepe e mafai ona avea ma vaega o le lesona, pe o se vaega ese ua fuafua mo musika lava ia.

I le faaiuga o le vasega pepe, e tatau ona tautuana ma faiaoga e pikiina tamaiti e o latou lava matua po o nisi tagata o lo latou lava aiga. E le tatau ona latou faatagaina nisi tagata e aveina tamaiti sei vagana ua faataga mai e matua.

Fesuiiuga Saunia se faasologa masani mo tamaiti e fesoasoani ia i latou e fesuii mai le tasi vaega i le isi. Mo se faataitaiga, e mafai ona outou usuina se pese e pei o le “Mea Malie e Fai” (*Tusipese a Tamaiti*, 129), e faaaoaga ai upu e pei o le, “Teu mea taalo e malie tele” po o le “Fufulu o lima e malie tele,” ma faasolo ai faapena.

E FAATATAU I LESONA I LE TUSI LESONA LENEI

O le faamoemoega o lesona i lenei tusi lesona ia fesoasoani lea i tamaiti o le tausaga-vasega pepe e iloa aooaga faavae autu o le talalelei toefuataiina a Iesu Keriso. Tatalo mo le taitaiga ma saili le uunaiga a le Agaga a o e sauni e aoo nei lesona (tagai *O Le Aoo Atu, E Lei Se Isi Valaauga e Sili Ai*, 104–105). E mafai ona e aoo atu lesona i soo se faasologa, ma e mafai foi ona e aooaina le lesona lava e tasi mo ni nai vaiaso sosoo. E mafai foi ona e aooaina faalua se lesona i se aso sa e tasi, e fuafua lava i manaoga ma mea e fiafia i ai tamaiti.

Ia faaoga tau lava o punaoa ua saunia e le Ekalesia mo le vasega pepe. E faaopoopo i gaoioiga i lenei tusi lesona, e mafai ona e faaogaina taaloga, ata, pese, tala, ma isi gaoioiga mai mekasini a le Ekalesia.

Faaoga tusitusiga paia a o e aooaina tamaiti. A fautua mai se lesona e te faamatalaina se tala mai tusitusiga paia, susue tusitusiga paia ma tusi lou aao i le nofoaga o loo maua ai le tala. O le a fesoasoani lea i tamaiti e malamalama o mea o loo e aooaina atu e maua mai tusitusiga paia. Aoo i latou e talisapaia ma faaloalo i tusitusiga paia. Afai e leai sau lava kopi o tusitusiga paia, talosaga i lou epikopo po o le peresitene o le paranesi pe faapefea ona e mauaina se kopi.

A o e aooaina nei lesona, ia e nofouta i tulaga i fale ma aiga o tamaiti. A faasino le lesona i matua po o aiga, manatu i lagona o soo se tamaitiiti o loo tausua e se matua e toatasi, e matua o matua, po o isi tagata o le aiga.

Ia e nofouta foi i lagona o ni tamaiti i lau vasega pepe e i ai ni manaoga faapitoa faaletino. Ia tulimatai i gaoioiga e *mafai* ona faia e tamaiti, ae le o mea e le mafai ona latou faia. Mo nisi faamatalaga faatatau i le aooaina o i latou e i ai manaoga faapitoa, tagai *O Le Aoo Atu, E Lei Se isi Valaauga e Sili Ai*, 40–41.

O vaega autu o le lesona o loo faamatala atu i lalo:

Folasaga mo le Faiaoga E amata lesona taitasi i se faamatalaga puupuu i le mataupu faavae o le a aooaina, e aofia ai ma mau. O le faitauina ma le mafaufulu loloto i le folasaga lenei faapea mau e faatatau i ai o le a fesoasoani ia te oe e saunia oe lava faaleagaga e aoo atu le mataupu faavae i tamaiti e ala i le Agaga. E leai se faamoemoe e faitau atu lenei folasaga i tamaiti pepe.

MOTUGA AFA FAAFAIA OGA

Gaoioiga: Vaavaai lelei le aafiaga o tamaiti i le taimi o gaoioiga. E te silafia agavaa ma manaoga o tamaiti i lau vasega. Fetuutuunai ia gaoioiga e pei ona manaomia. (Tagai i *O Le Aoo Atu, E Lei Se Isi Valaauga e Sili Ai*, 35–36.)

Pusa o gaoioiga: Atonu o le a e manao e fai se pusa o gaoioiga e tuu i le potu o le vasega pepe. E mafai ona tuu ai mea na e faia pe faaogaina mo gaoioiga, e pei o paso, ata, papeti, kopi o itulau valivali, ma isi. E mafai ona e faaogaina nei mea i soo se taimi o le vasega.

Gaoioiga e Aoao Ai O le faamoemoega o gaoioiga e aoao ai o le aoao atu lea i tamaiti le talalelei i le tuuina atu ia i latou o avanoa e:

- Faalogo ai i le aoaoga faavae.
- Vaai ai i se ata vaai e faatatau i le aoaoga faavae.
- Pese (pe faalogo ai i se pese) e faatatau i le aoaoga faavae.
- Faia se gaoioiga faaletino e faatatau i le aoaoga faavae.
- Talanoa i se mea e faatatau i le aoaoga faavae.

Saunia se nofoaga faapi-toa i le potu vasega pepe e mafai ona faapotopoto ai tamaiti e latalata ia te oe mo gaoioiga e aoao ai. E ono faia i luga o se palanikeke po o se fala i luga o le fola, pe atonu foi e nonofo i luga o nofoa ua faatulagaina i se li'o. Nofo pe tootuli ina ia e latalata ai i tamaiti



ma faafesagai lelei ia outou vaai. (Manatua: Faamolemole ia talafeagai ou laei mo lou tootuli, nofo i luga o le fola, po o lou punou.)

Gaoioiga Faapotopoto: Amata lesona taitasi i le faapotopotoina lea o tamaiti e faaoga ai se pese po o se isi gaoioiga e faatagaina e le Ekalesia. A o e faaogaina le gaoioiga faapotopoto lava lea i vaiaso uma, o le a matau e tamaiti le gaoioiga o se faailoga ua amata le lesona, ma o le a fesoasoani lea ia i latou e sauni ai mo le lesona. O se gaoioiga faapotopoto e mafai ona faigofie e pei o le patipati ou lima i se fati ma valaaulia ai tamaiti tou te patipati faatasi. Toetiiti lava soo se pese po o se gaoioiga faatagaina a le Ekalesia o le a aoga pe afai e faigofie ma e faaogaina soo i vaiaso taitasi.

O nisi nei o faataitaiga o gaoioiga faapotopoto:

- Usu se pese e fialia i ai tamaiti, e pei o le “O A’u o se Atalii o le Atua” (*Tusipese a Tamaiti*, 2–3) po o le “Ia Fealofani” (*Tusipese a Tamaiti*, 74).
- Usu le “Afai ua e fialia” (*Tusipese a Tamaiti*, 125), faaoga ai upu ia: A e sauni mo le lesona, nofo i lalo.
A e sauni mo le lesona, nofo i lalo.
A e sauni mo le lesona, o se faamanuiaga
A e sauni mo le lesona, nofo i lalo.
- Tauloto le fuaiupu o gaoioiga lea, ma valaaulia tamaiti tou te faia faatasi taga:
Ua ou fialia ua ou sau i le lotu, (*tuu faatasi tumutumu lima e foliga i se tumutumu o se falesa*)
E aoao ia Iesu, pese, (*faaofuofu lima i le gutu*) ma tatalo. (*piilima*)

Gaoioiga e Filifili Ai O loo fautua mai i lesona taitasi gaoioiga e filifili ai e 2 i le 4 e mafai ona e filifili mai ai e faaopopo i le lesona pe a manaomia. E mafai foi ona e faaogaina nei gaoioiga i isi taimi o le vasega pepe. O le tele o nei gaoioiga e manaomia ai sauniuniga faaopopo. Afai e le maua mea e manaomia e faaoga mo nei gaoioiga, e mafai ona sui i mea

MOTUGA AFA FAAFALIA OGA

Faapotopoto: Vivii tamaiti o e nonofo faatasi ma oe. Afai e le fia nonofo i lalo nisi o i latou, aua le faamalosi i latou, ae faamalosiua ia i latou i ni gaoioiga eseese. A o aoao atu le tasi taitai o le vasega pepe, e mafai ona fesoasoani le isi taitai e tata’i mai mafaufau o tamaiti.

Pese: Afai e te faaogaina se pese po o se fuaiupu o gaoioiga mo lau gaoioiga faapotopoto, fai ma toe fai mo ni nai taimi, e faaoga ai se leo lemu atu i taimi taitasi.

O le fai soo e fesoasoani i tamaiti e aoao ai. Afai e faapi-toa lava le fialia o tamaiti i se gaoioiga e aoao ai po o se gaoioiga na filifili mai, toe fai i isi taimi o le vasega faapea foi i vaiaso o i luma.

e tai tutusa lava. O tupe mo nei mea e faaoga e mafai ona maua mai i le paketi a le Peraimeri.

Ata Vaaia E tofu lesona taitasi ma ni itulau tai lua o ata: o se ata lanu ma se ata tusi. O le faamoemoega o ia ata ia faamalosia ai i le vaai ia aoaoga faavae o loo aoaoina i le lesona. O fautuaga mo le faaagaina o ata o loo aofia i totonu o lesona.



Motugaafa Faafaiaoga I le itu taumatau o itulau taitasi o loo i ai fautuaga ma manatu e fesoasoani ia te oe ia manuia le aoaoina o le lesona. O nisi o nei fautuaga e faatatau i le faailoaina atu o se gaoioiga patino, ae o le tele lava, o aoaoga faavae masani e aoga i soo se taimi e te aoaoina ai tamaiti laiti.

MUSIKA I LE VASEGA PEPE

Ua saunia ma naunau tamaiti o le tausaga vasega pepe e aoao e uiga i le Tama Faalelagi ma Iesu Keriso, ma e mafai ona fesoasoani musika ia i latou e aoao ai. O musika e valaaulia le Agaga, ma e mafai ona maua ai se siosiomaga mafanafana ma le alofa, ma avea ai le vasega pepe o se nofoaga fiafia e o i ai.

Aua e te popole pe afai e le o oe o se tagata pese talenia. O le a faalogologo tamaiti i upu, vaavaai i ou foliga, ma fiafia i le fati o le pese nai lo o le tulimatai o lou agavaa e pese.

Auala e Faaoga ai Musika E mafai ona fesoasoani musika i ni auala eseese i le vasega pepe. E mafai ona e faaogaina e:

- Faafeiloai ai tamaiti. Mo se faataitaiga, e mafai ona tataina se pese filemu a o ulufale mai tamaiti i le vasega.
- Aoao atu ai mataupu faavae o le talalelei. O le tele lava o lesona i lenei tusi lesona o loo fautuaina atu ai pese e faatatau i le autu o le lesona.
- Fesoasoani i tamaiti e sauni e amata se gaoioiga ese—mo se faataitaiga, e faatupu ai se siosiomaga faaloalo e saunia ai mo le lesona.
- Maua ai e tamaiti se avanoa e gaoioi ai ma faafiafiaina i latou lava.
- Faamasani ai tamaiti i pese o le a latou usuina i le Peraimeri.

Fesoasoani i Tamaiti e Auai A aoao atu se pese i tamaiti, usu faalua se laina puupuu ona valaaulia lea o i latou tou te pepese faatasi. Fai atu tala faaviivii ia i latou mo lo latou taumafai. I le amataga atonu o le a latou usuina na o se upu se tasi pe lua, ma atonu o le a matua le pepese



MOTUGA AFA FAAFIA OGA

Ata vaaia: Ina ia fesoasoani i tamaiti e oao mai ata ma ata o laina tusi, faasino i ai faamatalaga e talafeagai ma mataupu faavae o loo e aoaoina.

Musika: E te le manaomia se piano po o se laau CD e faaoga ai musika i totonu o le vasega pepe. O le a lagona lava e tamaiti le to'a pe a tau lava o lou faapotopoto mai o i latou i ou tafatafa ma outou pepese. Ia e faamasani i upu ma le pese ina ia mafai ai ona outou feva'ia ai ma tamaiti.

Punaoa o musika: Mafafau e saunia se pusa o punaoa o musika e tuu i le potu o vasega pepe. E mafai ona i ai se lisi o pese ma fuaiupu o gaoioiga e fiafia i ai tamaiti, ata faigofie mo tamaiti e uu a o outou pepese, po o se mea fai musika faigofie.

lava tamaiti laiti tele, ae e mafai lava ona latou aoao ma fiafia e faalogologo ao e pese. Atonu o le a fiafia foi i latou i le faia o taga faigofie e o faatasi ma pese. E iu lava ina latou aoaoina upu ma amata ona pepese faatasi ma oe, ae maise lava pe a usu soo ia pese.

Isi Punaoa O upu o nisi o pese o loo aofia i totonu o lesona i lenei tusi lesona. E mafai foi ona e faaogaina:

- Le *Tusipese a Tamaiti* ma lipine pu'e o pese Peraimeri. O pese e faigofie ma i ai fuaiupu e usu soo e matua talafeagai lelei mo tamaiti o le tausaga vasega pepe. E mafai ona e faaopopo i ai taga faigofie o loo fautua mai lava i upu.
- Le Uepi saite o musika a le Ekalesia, www.lds.org/churchmusic. O i e mafai ona e faalogo ai i musika o pese o loo i le *Tusipese a Tamaiti* ma le tusi o viiga.
- Fesoasoani mai le taitai musika a la outou Peraimeri.

FAAFITAU LI E FOUFOU MAI MA FOF O E FETAUI I AI

O nisi nei o faafitauli taatele e ono tulai mai i le vasega pepe ma nisi o fautuaga e foia ai ia faafitauli. I tulaga uma lava, ia viia ma le loto faamaoni le tamaitiiti pe a amio lelei. O le faamalasia o tamaiti e usitai e le o se fof o i faafitauli o le amio. Ia manatua e taua le maua e tamaiti taitoatasi o se aafiaga alofa ma le faafiafiaina i totonu o le vasega pepe.

FAAFITAU LI

E aumaia e se matua se tamaitiiti i le vasega pepe, ona tagi lea o le tamaitiiti pe a taumafai le matua e alu ese.

E foliga e fefe le tamaitiiti ia te oe po o isi tamaiti, e savalivali solo lava i le potu, pe le fesootai foi ma se isi.

E pipii se tamaitiiti ia te oe ma manao faamalosi e te gauai atu ia te ia i taimi uma.

E le nofonof o filemu se tamaitiiti ma faalogo i le taimi o le lesona. E faalavelave pe faaita e ia isi tamaiti.

FOFO E FETAUI I AI

Valaaulia le matua e nofo mai seia filemu ma to'a le tamaitiiti. Taumafai e faatosina mai le tamaitiiti i le gaoioiga o loo faia i le vasega, ma valaaulia o ia e auai.

Onosai; aua e te faia faamalosi le tamaitiiti e auai. Tuu i ai se taimi e faamasani ai ia te oe, i isi tamaiti, faapea le siosiomaga. Ia faamalosiau atu i le tamaitiiti mai lea taimi i lea taimi, ma faaauau pea ona valaaulia o ia e auai i se gaoioiga. Fesoasoani e faamautinoa o le vasega pepe o se aafiaga alofa ma le faafiafiaina mo le tamaitiiti.

E manaomia e tamaiti laiti le mafanafana ma le amanaiaina. O le talatalanoa ma le fesootai ma le tamaitiiti i se auala alofa e masani lava ona faamalieina ai o ia. Ona faamalosiau atu lea i le tamaitiiti e auai i gaoioiga a le vasega.

É mafai e le isi taitai o le vasega pepe ona taitai le mafaufau o le tamaitiiti i le gaoioiga a o taitaia e le isi taitai. O le tuuina atu i le tamaitiiti o se mea e uu e mafai ona fesoasoani ia te ia e auai fiafia ai i le lesona. Atonu e tatau ona faanofo le tamaitiiti faatasi ma le isi faiaoga ina ia maua ai e isi tamaiti se lesona saogalemu ma aoga. Ia manatua i taimi uma e fesootai ma tamaiti i se auala alofa ma lagolagosua.



FAAFITAU LI

E tulai se tamaitiiti ma savali ese a o le'i uma se gaoioiga.

Ua amata ona tauaimisa tamaiti i se mea taalo.

Ua amata ona taalo leaga se tamaitiiti—fetogiai, luelue, pe tu'itu'i mea taalo.

Ua amata ona tagi ma matanana le tamaitiiti. A e taumafai e faato'ato'a, e faapea mai sana tala, "Ou te le fialia ia oe" po o le "E le o oe o so'u tina" ma falō ese.

FOFO E FETAUI I AI

Ia mataala ma nofouta i manaoga, mea e fialia i ai, ma le umi o le faalogo a tamaiti taitoatasi. Vaavaai mo faailoga o le lelavava ina ia mafai ai ona e fetuutuunai le gaoioiga ia talafeagai ma manaoga o le tamaitiiti. A o taitaia e le tasi faiaoga le gaoioiga, e mafai e le isi faiaoga ona valaaulia ma faamalosi se tamaitiiti ua le sagisagi atu. Aua le faia faamalosi se tamaitiiti e auai i soo se gaoioiga.

E faigata i tamaiti ona fefaasoai. Atonu e manaomia ona e tulai atu e foia le faafitauli pe taofia mai i latou mai le fasiina e le tasi o le isi. Ia fautua atu ni auala e mafai ai ona latou taalo faatasi i meataalo, pe tata'i atu o latou mafaufau i isi mea taaalo ma gaoioiga. Ia mautinoa o loo lava mea taalo mo tamaiti taitoatasi. Vivii tamaiti mo le taalo lelei.



E tatau ona e faasalaveia leni amioga. E tatau ona avea le vasega pepe ma siosiomaga saogalemu mo tamaiti. Faamalalalama atu ma le alofa i le tamaitiiti e le mafai ona taalo faapea o ia, ona tata'i lea o lona mafaufau i isi faiga o taaloga. Vivii le tamaitiiti mo amioga lelei.

Toe tata'i le mafaufau o le tamaitiiti i mea o loo tutupu i le vasega pepe po o se mea taalo po o se tusi. Atonu o le a oga lea e faatoafilemu ai le tamaitiiti. Afai lava e le mafai ona faamalieina o ia, ave loa o ia i ona matua.